



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 88. Hispanorum Victoriæ de Pontificio exercitu reportatæ.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1557.

§. LXXXVIII.

Hispanorum victoriæ de Pontificio exercitu reportatæ.

*Thuan. l. c.
Pallav l. 14.
c. 3. n. 2.*

Confecto hoc fœdere Philippus, cum Florentiæ Ducis amicitiam sibi certam haberet, totus in eo erat, ut Gallis ex Italia pulsis cum Papa in gratiam rediret, necnon de Ferrariensi Duce, qui adversus eum, sibi que fœderatos arma capessabat, ultionem sumeret: quapropter bello in Ducem moto Albæ Dux Practicam, urbem Friderico Comiti obnoxiam subegit: Julius vero Urfinus, cum Hispanos intra præsidia se continere cerneret, & ipse cum exercitu suo egreditur, ac Montem-Fortinum capit, victorumque deprædationi relinquit. Prospero hoc successu animatus Piglium rursus aggreditur, irrito licet conatu; eo quod Marcus Antonius Columna opportuno admodum tempore obsessis suppetias misisset. Postea Cæsarei prædæ avidi Prænestem diripiunt, Columna vero Albæ Ducis jussu Palianum contendit, ut agrum illum longe, lateque vastaret, messemque jamjam maturam combureret: qua strage comperta Julius Urfinus & Montis-belli Marchio Pontificiorum Duces inter Labicum, Palianum, & Segniam consistunt, & ut expeditiones essent, commeatus partem Romam remit-

remittunt, ac machinas quoque bellicas Segniam reduci imperant.

Sæcul. XVI.
A.C. 1557.

Verum Columna intellecta hac hostium imprudentia copias suas admovent, initoque certamine utrinque cum ingenti fortitudine, vincendique aviditate pugnatur: Tandem vero Montisbelli Marchio, cum equitatum suum ob loci angustias explicare haud posset, post grave a tormentorum displosione acceptum damnum Segniam versus, quo tormenta jam præmiserat, iter intendit: Julius vero Urfinus accepto gravi vulnere captus est, totusque exercitus ad vicinam sylvam sese recepit.

§. LXXXIX.

Maximum, & Segnia ab Hispanis capta.

Cum Columna prosperum armorum successum fortius urgendum censeret, protinus Felsium cum suis copiis, ac tribus belli tormentis præmisit, ut Maximi arcem Joannis Urfini imperio subditam expugnaret, quæ etiam mox hostium arbitrio permissa, atque inhumane direpta fuit, inde vero Columna Segniam versus castra promovit, eo quod ad eum locum reliqua Pontificii exercitus nuper profligati pars unacum Marchione Monte-Bello Pontificis Nepote, belli tormentis, ac equitatu recesserit.

Porro